

հայրենիքի պաշտպանութեան համար: Տեսարանը սրտաշարժ դարձաւ, իմ ճառի ժամանակ, երբ առաջարկեցի գլխարկները վերցնել ի յարգանս հայրենիքի պաշտպանութեան համար ընկածների յիշատակի, ցուցարարներն ինքնաբերաբար ծունկի իջան և դրօշակները խոնարհեցրին»...

Բոլոր պետութիւնների ներկայացուցչութիւնների առջև միտինգներ կազմեցուց յետոյ ծովածաւալ բազմութիւնը խոնկեց խորհրդային Ռուսաստանի ներկայացուցչութեան առաջ: Յուզումը հասաւ իր գագաթնակէտին: Արտասանեցին սուր, յանդիմանական, կրակոտ ճառեր՝ ընդդէմ բոլշևիկ-քեմալական գործակցութեան: Խօսեցին սոցիալիստ-յեղափոխական Թարխանեանը, վրահայոց Ադգ. խորհրդի նախագահ Թոփչեանը, վրաց ժողովրդական գարդիալի պետ Զուղբիւն, «Աշխատաւոր»-ի խմբագիր Կ. Ղազարեանը: Մասնաւորապէս ուժեղ ճառ արտասանեց վերջինը, որ ելեկտրականացրեց ամենքին:

«Ընկերներ, սկսեց նա, Մեծ Արեւելքի յեղափոխական աշխատաւորութեան անունից եկել ենք այստեղ հարց տալու նրանց, ովքեր յաւակնութիւն ունեն յեղափոխական անւանելու իրենց, մինչդեռ փաստօրէն զաղիր հակայեղափոխականների հետ են դաշնակցել: Ի՞նչ իրաւունքով կամ ո՞ր յեղափոխական աւանդի հիման վրա դալիս են նրանք մեր՝ Արեւելքի աշխատաւորութեան դիրքերը թուլացնելու, սոցիալիստական ո՞ր հասկացողութեամբ համադործակցում են մեր երկրի աւերող դատակարգի՝ խաների, բէգերի, փաշաների հետ: Մենք այսօր այստեղից բողոքում ենք, իբրեւ յեղափոխականներ նրանց դէմ, որոնք վարկաբեկում են յեղափոխութիւնը, դադիր գործ կատարում մեր իրականութեան մէջ և հարկւր հազարաւոր անմեղ կեանքերի դահիճ էնովէր փաշաներին, Թալէաթներին ձեռք մեկնում ու յեղափոխական կարմիր դրօշակով քողարկում:

Դէմ առ դէմ կանգնած՝ մենք ուղղում ենք այս հարցը բոլշևիկներին և սպասում ենք պատասխանի: Յեղափոխութիւնը վերածելով դիւանագիտութեան, սակարկելով սոցիալիզմը՝ այսօր նրանք Արեւելքում երեւան են դալիս իբրեւ աշխատաւորութեան թշնամիներ, իբրեւ բարեկամ տիրող դատակարգի: Սակայն, մօտ է այն օրը, երբ Արեւելքը կը բռնկի յեղափոխական հրդեհով, բայց ո՛չ ձեռք՝ Լենինի ու Թալէաթի, այլ մեր՝ տեղական յեղափոխականների ու հազարաւոր նահատակներին շնորհիւ: Ապագայ պատմութիւնը և ազատ աշխատանքը կասէ իր խօսքը ձեռք այսօրուայ կատարած դադիր գործի համար»:

Պատշգամբ դուրս եկաւ խորհրդային ներկայացուցիչ Ստարկը՝ շրջապատւած իւրայիններով և սկսեց խօսել: Նրա ամէն մի խօսքը ծածկւում էր սուլոցներով, «կորչի»-ներով, վրդովումի ու բողոքի արտայայտութիւններով:

«Դուք ուզում էք դիմանալ, ասաց նա, մեր վերաբերմունքը դէպի Հայաստանի սահմաններում կատարուող դէպքերը (Չայնեթ՝ «մեմֆ գիտեմֆ, պատասխանեցէ՛ք, թէ ի՞նչ է ձեր արածը»): Ես կը պատասխանեմ: Ռուսաստանի բանորդիւղացիական հանրապետութիւնը իր գոյութեան հէնց առաջին օրերից վճռեց ճանաչել ազգերի ինքնորոշումը, նոյնիսկ մինչև անջատում և անկախութիւն (Չայնեթ՝ «դրամֆ խօսքով էիմ, իսկ գործով»)։ Մենք այդ իրաւունքը ճանաչեցինք ո՛չ միայն խօսքով, այլ և գործով (Չայնեթ՝ «սա՛ւտ է, փաստեր»)։ Համեցէ՛ք փաստեր. մենք ճանաչեցինք էստոնիայի, Լիտւա-